



Til dei folkevalde i Ulstein kommune

Frå:

HTV Delta

HTV Fagforbundet

HTV Norsk Sykepleierforbund

HTV Utdanningsforbundet

Hovudverneombodet i Ulstein kommune

Innspel til framtidens skulestruktur og økonomi i Ulstein kommune

Hovudtillitsvalde frå Delta, Fagforbundet, Norsk Sykepleierforbund og Utdanningsforbundet, samt Hovudverneombodet i Ulstein kommune ser med bekymring på den hengemyra kommunen har kome i økonomisk.

Kommunen er i ein utfordrande økonomisk situasjon og ein må freiste å finne løysingar til det beste for heile kommunen og alle tilsette ein har ansvaret for. Vi fryktar at fleire nedskjeringar kan føre til at dei tilsette vert pressa ytterlegare, med enda større arbeidsbelastning og mindre tid til arbeidsoppgåvene.

Det er foreslått at ein større del enn tidlegare av rammetilskotet skal gå til omsorg, og ein mindre del til oppvekst. Dette for å møte dei demografiske endringane som kjem framover. Vi ser behovet for meir pengar i omsorg, men ser ikkje korleis ein skal klare denne omstillinga utan at det går utover kvaliteten og arbeidsmiljøet for tilsette i barnehage og skule. Oppvekst og kultur driv allereie godt innanfor tronge rammer. Vi veit at omsorg driv effektivt og rimeleg, med lav grunnbemanning jamt over. Økonomien til alle einingane må vere slik at ein kan yte tenester på ein god og framtidretta måte.

Kutt i budsjettet til dei ulike einingane, kan ikkje gå ut over arbeidsmiljøet til dei tilsette.

Med helsing

HTV Delta, Greta Aurvåg

HTV Fagforbundet, Hilde Ringen Hofseth

HTV Norsk Sykepleierforbund, Marianne Ertesvåg

HTV Utdanningsforbundet, Hedvig Haakonsholm

Hovudverneombod i Ulstein kommune, Arne Sivertstøl